



**Bellum Sacrum Ecclesiæ Militantis Contra Turcum  
Communem Hostem Christianorum**

**Vaux, Léonard de**

**Leodii, 1685**

Elenchus Summorum Pontificum, Cardinalium, Episcoporum,  
Ecclesiasticorum: atque Heroiim, Principum, Regum, Imperatorum  
Christianorum, maximè Austriacorum, fidei propugnatorum; quorum  
nomina, dicta, & ...

---

[urn:nbn:de:hbz:466:1-64991](https://nbn-resolving.org/urn:nbn:de:hbz:466:1-64991)



## E L E N C H U S

*Summorum Pontificum, Cardinalium,  
Episcoporum, Ecclesiasticorum: at-  
que Heroium, Principum, Regum,  
Imperatorum Christianorum, ma-  
ximè Austriacorum, fidei propu-  
gnatorum; quorum nomina, dicta,  
& facta præclara, hic referuntur.*

## SUMMI PONTIFICES.

## I.

**G**REGORIUS VII. creatus  
Papa præcedentibus Pro-  
phetiis, primus Expeditionem  
paravit in Orientem,  
adversus Saracenos; quæ interrupta  
est ab Henrico IV. schismatico, ex-  
communicato.

Urbanus II. Natione Gallus, au-  
ctor expeditionis in infideles, Æter-  
nam sibi Gloriam comparavit. Urba-  
ni coepta constanter prosecuti sunt suc-  
cedentes Pontifices Romani; videlicet

cet : Paschalis II. Gelasius II. Calistus II. Lucius II. Eugenius III. Alexander III. Lucius III. Urbanus III. Gregorius VIII. Clemens III. Cælestinus III. Innocentius III. Honorius III. Gregorius IX. Innocentius IV. Eugenius IV. Nicolaus V. Calistus III. Pius II. Paulus II. Sixtus IV. Innocentius VIII. Leo X. Adrianus VI. Gregorius X. Paulus III. Pius IV. Pius V. Gregorius XIII. Innocentius X. Clemens IX. denique Innocentius XI. Qui zelo prædecessorum suorum accensus, Clangore Buccinæ Apostolicæ, omnes Christianos Principes, ad Bellum Sacrum convocat, & modis omnibus urget, & stimulat.

## II.

**P**Lurimi Cardinales, Episcopi, Ecclesiastici, Bellum Sacrum promoveri conati sunt, inter quos: Julianus Cæsarinus, Bessarion, Raterus, Rodericus Borgia, Oliverius Caraffa, Cardinales S. R. E. & alii. Ex Episcopis Ademarus Podiensis, Legatus Apostolicus, Bernardus Archiepiscopus

pus Toletanus, Willelmus Archiepiscopus Tyri, Otto Frisingensis Archiepiscopus, Simeon Patriarcha Hierosolymitanus; qui supplices litteras scripsit ad Urbanum II. Daibertus Patriarcha Hierosolymitanus, Ludovicus Patriarcha Aquileiensis, aliique multi.

Ex viris illustribus Ecclesiasticis, Petrus Eremita prodromus Belli Sacri, missus ab Urbano II. per Europam ut Bellum Sacrum, ejus nomine prædicaret: Sanctus Bernardus, sui sæculi Thaumaturgus: Joannes Capistranus Minorita, aliique plurimi; quibus addenda Sancta Virgo Catharina Senensis, quæ summos Pontifices Gregorium XI. & Urbanum VI. instanter ad Bellum Sacrum excitavit.

### I I I.

**H**eroës, Principes, Reges, & Imperatores Christiani, qui pro gloriâ Crucis militaverunt contra infideles, plurimi sunt; paucos seligo ex illustrioribus.

Georgius Castriotus, dictus à Turcis Scanderbegius, seu Alexander

magnus, Joannes Hunniades, dictus Fulmineus, Joannes Tarnovius, Boëmundus, & Rogerius Fratres, Siciliae, Apuliae, & Cantabriae Principes; Tancredus Filius Rogerii; Dux Vaivoda, Philippus Comes Flandriae, Catalacus Dux exercituum Imperatoris, Henricus Dux Noricorum, Maximilianus Bavarus Domitor Hæreticorum, Joannes Austriacus, & multi alii.

Godefridus Bullionius, Dux Lotharingiae, captâ Hierosolymâ in primâ expeditione, sub Urbano II. primus Rex Christianus creatus est, cui successit in ejus regno Balduinus Frater. Ex Regibus Poloniae multi de Turcis insignes victorias reportarunt; inter quos Ladeflaus, Stephanus, Boleslaus, Sigismundus III. Reges Poloniae: nuper Joannes III. Rex Polonorum, venit, vidit, vicit, ante Viennam Austriae, quam à ducentis millibus Turcarum undique circumvallatam, & coangustatam, jamque deditioi proximam; universo hostium exercitu profligato liberavit, quâ in expeditione Dux Bavarus, Dux Lo.

tharingus, & Comes Staremburgius,  
præclaram invicti animi laudem, &  
gloriam è prælio reportarunt.

Ex Regibus Bohemiæ Boleslaus, &  
Castellæ Rex Alphonsus; item Fer-  
dinandus Rex Aragoniæ, Philippus  
II. Rex Hispaniarum, gloria & ho-  
nore immortalis digni sunt.

Ex Regibus Angliæ Richardus,  
dictus cor Leonis, Saladini magni do-  
mitor, Turcarum terror. Notandum  
est multos Principes ac Reges infide-  
les foedus iniisse cum Christianis, con-  
tra communem omnium Principum  
hostem; qui sese, Regem Regum,  
& magnum Dominum superbè jactat:  
contra quem excitandi sunt, in primis  
Reges Persarum, ut fecerunt olim  
summi Pontifices, & Christiani Prin-  
cipes, qui cum Usu Cassano Rege Per-  
sarum, & Agaba Imperatore Tarta-  
rorum, multisque aliis, foedus inie-  
runt; immò ab hinc triginta quinque,  
aut circiter annis, Rex Persarum,  
ultra obtulit sese Innocentio X. ad  
commune Bellum Turco inferendum,  
cum Principibus Christianis.

**E**X Regibus Christianissimis, à Clodovæo, primogenito Regum fidelium; usque ad Ludovicum magnum; magno zelo Religionis Catholicæ inflammati sunt in primis Rober- tus Pius, Ludovicus VII. Philippus Augustus; sed maximè Sanctus Lu- dovicus, Regum Christianissimorum absolutum xemplar; cujus meritis, & intercessione credibile est Henri- cum III. Gallix & Poloniæ Regem, ultimum ex Sancti Regis progenie, tam piam mortem, qua vitæ noxas expiavit, obtinuisse.

Cùm enim Henricum ejus Confes- sarius monuisset, ut Romano Ponti- fici satisfaceret, respondit Rex, his  
 „ verbis: Ego majorum meorum me-  
 „ ritis debeo, quod sim primogenitus  
 „ filius Ecclesiæ, Catholicæ, Apo-  
 „ stolicæ, Romanæ; & talis mori  
 „ volo: protestorque coram Deo, &  
 „ coram omnibus adstantibus; uni-  
 „ cum meum desiderium, ante exi-  
 „ tum, ex hac vitâ mortali, esse; ut  
 „ summo Pontifici, velut omnium

„ Christianorum Patri , & Pastori ;  
 „ univ<sup>er</sup>si gregis Domini nostri JESU-  
 „ CHRISTI, in omnibus quæ à me  
 „ exiget abundè satisfaciam. His di-  
 ctis hortatus est Regem Navarræ præ-  
 sentem, ut ad fidem Catholicam Ro-  
 manam rediret; ac subinde erratorum  
 veniam humiliter petens, ter iteratâ  
 peccatorum confessione, & Sacra-  
 mentali absolute acceptâ, Sacro-  
 que Viatico munitus, in divinis col-  
 loquiis, & pœnitentiæ actibus, pla-  
 cidè, & Christianè expiravit.

Rege Henrico tertio, tam piè mor-  
 tuo, Rex Navarræ Henricus IV. ejus  
 successor, qui ob hæresim, quam pro-  
 fitebatur palam exclusus erat à Coro-  
 na Regum Christianissimorum, Eccle-  
 siæ Catholicæ primogenitorum; pe-  
 tiit instrui ab Episcopis circa præci-  
 pua puncta inter Protestantes, & Or-  
 thodoxos controversa; specialiter de  
 invocatione Sanctorum, de confessio-  
 nis Sacramentalis obligatione, & de  
 potestate Romani Pontificis, in qui-  
 bus, cum illi ab Episcopis, plenè sa-  
 tisfactum esset: instabant Protestan-  
 tes, ut ad summum controversiarum

caput; id est, ad realem, & substantialem existentiam Corporis & Sanguinis, ac totius Christi, in Sacramento Eucharistiæ procederetur; tunc omnibus adstantibus, & audientibus, protestatus est Rex, se de reali & substantiali Christi JESU existentia, sub speciebus panis & vini, post peractam Sacerdotalem consecrationem, nunquam dubitasse; se illam semper in corde suo credidisse: nec aliâ instructione sibi opus esse, ad credendum omnes, & singulos articulos fidei Orthodoxæ, à Sanctâ Catholicâ, Apostolicâ, & Romanâ Ecclesiâ propositos; quamobrem publicè magno cum animi sensu, abjuratâ hæresi, fidem Catholicam, Romanam confessus; ab omni vinculo absolutus, & Ecclesiæ reconciliatus; à felici conversionis suæ die, tanto Orthodoxæ fidei, per omnes regni sui Provincias propagandæ, zelo accensus est, Rex Christianissimus; ut palam profiteretur, nihil se ardentius desiderare, quam omnium hæreticorum sibi subditorum, ad Romanæ Ecclesiæ gremium, aggregationem. Sed hanc gloriam, vilis est

Deus optimus, servasse Ludovico magno; ut quod avus ejus Henricus magnus, tantoperè optabat, & ejusdem Pater Ludovicus Justus armis suis vitricibus inchoavit; ipse novo armorum genere, sine sanguinis effusione, pacificè, sapientiâ suâ, & fortissimâ mansuetudine perficeret. Igitur Deo optimo maximo auxiliatore, & Rege Ludovico XIV. regnante, sperandum est, brevi, in toto Regis Christianissimi Regno, unicum ovile futurum, sub unico Pastore, Christi Vicario Romano Pontifice. Exaudiat Deus misericors suorum vota!

V.

**S**Ancti Ludovici gloriosissimis hæredibus, & æmulis, adjungo alios Reges Catholicos, ac Principes sanctitate, quàm sceptro clariores: qui spretis mundi illecebris, & divitiis, uni Regi Regum Christo placere, & ejus fidem propagare studuerunt. Valde notandum est, quod ex Regibus populi Hæbreorum, ex Regibus Juda, præter Davidem, Ezechiam, & Josiam, omnes mali fuerint, & inter Reges Israël quippè schismaticos & à

Capite separatos nullus probus.

Sola Anglia, Catholica, plures Reges, Reginas & Principes, sanctitate illustres numerat, quàm omnes tribus populi Judaïci: sed ab eo tempore, quo florentissimum illud regnum, tot Sanctorum Seminarium fecundissimum, à Romanâ Ecclesiâ, per hæreticam pravitatem, separatum est, ne unum habet sanctum Confessorem; quæ multos fecit SS. Martyres avitæ fidei propugnatores: utinam meritis & intercessione Sanctorum Regum, Eduardi Martyris, Eduardi Confessoris, aliorumque Sanctorum, qui agrum illum Domini, sanguine, lacrymis, sudoribus, Apostolicis laboribus, ac omnibus Christianis virtutibus, ab initio excoluerunt, sub moderno Rege Jacobo Secundo, Catholico, Casto, Pio, Pacifico, bonis omnibus dilectissimo, & pientissimâ Reginâ Mariâ Eleonorâ Estensi, ejus Conjuge; Sancto Gregorio magno, Anglorum Apostolo intercessore, redeant tandem, ad finem Sanctæ Romanæ Ecclesiæ, sicut boni filii, ad optimam matrem

fuam: ut vera Anglorum conversio;  
 fit nova Angelorum Sanctorum in Cœ-  
 lis, exultatio. His fidelium votis an-  
 nuat Deus optimus!

Habent & alia regna, Christo subdita,  
 suos SS. Reges & Principes, Hungaria  
 S. Regem Stephanum, & Sanctum  
 Emericum ejus filium. Bohemia San-  
 ctum Regem, & Martyrem Wence-  
 slaum. Dania Catholica Sanctum Ca-  
 nutum Regem & Martyrem. Polonia  
 Sanctum Casimirum Angelum incar-  
 natum. Hispania Sanctum Hermene-  
 gildum Martyrem, & Sanctum Fer-  
 dinandum Regem Castiliæ; quorum  
 nomina perfecta sunt elogia. Hi omnes  
 testimonio fidei Orthodoxæ probati,  
 fideles inventi sunt, quia Deo, uni,  
 trino, Christo Regi Regum, ejus  
 Ecclesiæ Sanctæ, & fidelium saluti  
 servierunt, in iis quæ non possunt fa-  
 cere, nisi Reges Catholici, Justi, Pii,  
 quorum memoria in benedictione est  
 apud omnes homines: sicut ipsi gloriâ,  
 & honore coronati sunt, ab omnium  
 Sanctorum Remuneratore magnifi-  
 centissimo, Deo, uno, trino.

**I**mperatores Christianissimi, propugnatores Ecclesiæ Dei vivi contra infideles. Primus omnium, sit Constantinus magnus, primus Christianissimus Orientis & Occidentis Imperator, Sanctæ Helenæ natione Anglæ, primæ Augustæ Christianissimæ verè pius Filius, qui in Crucis signo, in quo salus humani generis constituta, vicit inimicos fidei: & primus, Christi Crucem supra Imperiale Diadema exaltavit.

Constans Filius ejus, & Heraclius Imperatores, Christiani, in Crucis signo de inimicis triumpharunt.

Carolus magnus, zelo Religionis, virtutibus, & victoriis quàm nomine major; ex Regiâ Francorum profapia oriundus, omnes partes Christianissimi Imperatoris implevit. Concilia plurima celebrari curavit, sed ea semper, cum assensu summi Pontificis: cui ut optimus filius, Ecclesiæ Romanæ primogenitus, optimo Parenti fidelium omnium, semper adhæsit: coronatus est Imperator à Leo-

ne III. cui juramentum præstitit, de Romanæ Ecclesiæ defensione; cuius Filium, & defensorem sese indigitat, omnemque erga Sedem Apostolicam subjectionem, impensè filiis commendavit.

Fuit eximius cultor Sancti Petri, cui Saxoniam à se victam obtulit, & in Galliis Denarium Sancti Petri instituit: suis regnis inter filios testamento partitis, Imperium, arbitrio Romani Pontificis disponendum reliquit. Verba in testamento, ejus expressa, memoranda sunt, ut Christianissimo Rege & Imperatore dignissima. Super  
 „ omnia, inquit, filios suos alloquens,  
 „ jubemus ut ipsi tres fratres curam  
 „ & defensionem Sancti Papæ simul  
 „ suscipiant, sicut quondam ab Avo  
 „ nostro Carolo, cognomento Martello, & à Beatæ memoriæ Genitore Pipino Rege; & à nobis postea  
 „ suscepta est: ut eum cum omni adiutorio, ab hostibus defendere nitantur, & justitiam suam, quantum ad ipsos pertinet, & ratio postulat, habere faciant. Similiter, & de cæteris Ecclesiis, quæ sub illorum

si fuerint potestate; præcipimus ut  
 „ justitiam suam, & honorem habeant.  
 Hæc piissimus Imperator Filiis suis im-  
 peravit: quod Carolinum decretum  
 subscriptum est ab Optimatibus Fran-  
 corum, Romamque missum ad Leo-  
 nem Papam, confirmandum ab eo,  
 atque subscriptione munendum. Te-  
 stamento ultimo de bonis suis mobili-  
 bus maximam partem, Ecclesiis, &  
 pauperibus reliquit, totoque vitæ tem-  
 pore munificâ manu, omnibus bene-  
 faciendo, tandem Sanctè mortuus est,  
 & ut Sanctus colitur.

Carolo magno successit in Imperio  
 Filius ejus Ludovicus Pius, verè ma-  
 gnus, magni Imperatoris partus, Im-  
 perator Pius. Cùm pietas ad omnia sit  
 utilis: credunt vulgò a Ludovico Pio  
 manasse Hauspurgicum Sanguinem:  
 non errant, si sanguis magnorum Prin-  
 cipum, sit magna pietas: & magno-  
 rum Regum profapia virtus eximia.

Sanctus Henricus, ex Duce Bava-  
 riæ coronatus Imperator, à Pontifice  
 Romano, pietate Eucharisticâ semper  
 victor; sub ejus signis Angelus Do-  
 mini, Sanctus Adrianus, Sanctus  
 Lauren-

Laurentius, & Sanctus Gregorius magnus, visibili in specie militaverunt. Deus exercituum, cum Angelis suis pugnat cum Imperatoribus Pius, contra impios inimicos Crucis Christi; quorum finis interitus.

## V I I.

**Q**UINDECIM Imperatores Austriaci, à Rudolpho primo, usque ad Leopoldum; fide Catholicâ, arctissimè uniti, unico visibili militantis Ecclesiæ Capiti, summo Christi in terris Vicario, & in primis pietate Eucharisticâ ob armati, ac roborati, inimicos Religionis, Catholicæ, Romanæ debellaverunt: Deo exercituum perpetuò Austriacorum Principum auxiliatore, & adiutore in opportunitatibus.

I. Primus omnium Rudolphus victoriosus, à Gregorio X. Crucem accepit, constitutusque est Dux Belli Sacri; qui pietate Eucharisticâ & Crucifixo, pro sceptro, & gladio munitus, hostes Dei, Romanæ Ecclesiæ, & Imperii vicit. Semper felix Imperium est Ducis, qui Crucis imprope-

Bb

rium non fugit, & Eucharistico Sacramento roboratur. Enimverò nihil Augustæ Rudolphi famæ defuit, quando quatuordecim victoriis, suis superior hostibus, amicum posteris reliquit imperium; in quo quidquid hodiè magnum cernitur Austriacum dicitur.

2. Victoriâ triumphus sequitur, victoriosum Patrem triumphator Filius, Rudolphum primum, Albertus Primus. Non possunt infeliciter geri Bella, quæ pro Deo, Ecclesiâ, & salute populorum suscipiuntur; in quibus pari labore defudant pietas, & iustitia. Fundatum à Rudolpho in Eucharistico Sacramento, & in Crucis signo Austriacis Imperium: in iisdem ad perennitatem stabilitum est.

3. Sublato Alberto primo Austriaco, Imperii pomum, factum est discordiæ malum. Tunc quidem non est datum pulcherrimo: qui nimis inhabitabat Imperii Majestati, fraudatus votis ingemuit, qui minus ambiebat, superavit sua, aliorum vota explevit. Ita honor quærentem fugit, fugientem quærit: ac velut umbra fugit, si se-

quæris, sequitur si fugis. Sed corri-  
 vali extincto, Fridericus III. à vul-  
 tu Pulchri, ab animo Fortis nomen for-  
 titus, electus est in tertium Impera-  
 torem Austriacum, Majestatem ge-  
 minâ veluti base sustinuit; ut quam-  
 vis amabilis, tamen fortiter imperaret;  
 verùm tranquillitatem Austriæ, no-  
 vus Imperii turbo excepit, qui ipsum  
 etiam Fridericum involvit. Bis Impe-  
 rator jure, & authoritate Pontificis  
 semper legitimus, armorum satur,  
 pietatis castra ingressus, Christianissi-  
 mè expiravit.

4. Per centum & amplius annos,  
 Austriacis interposita parenthesis,  
 clausa est per Albertum secundum ho-  
 norificum; postquam Austriaca linea,  
 sic in Imperium ducta est, ut nulla fue-  
 rit huc usque intercalaris. Omnes Al-  
 bertum Cæsarem exoptabant, solus  
 ipse timebat imperare, ne libertatem  
 mentis amitteret: metuo, ajebat, ma-  
 jora meritis possidere, fortè saluti meæ  
 moram injectura. Eugenii IV. Pater-  
 na monita, Concilii Basileensis pia  
 consilia, omnium Electorum preces  
 intercedere debuerunt. Sic maximis

digni honoribus, honores fugiunt, quos indigni ambiunt. Posside imperium, tuæ salutis ne metuas Alberte! metuendum est salutis Imperii, si te non possideat: cor enim Germaniæ Austria est, metuendum est corpori, si caput vitam non sumat ex corde. Quam Piè Imperium suscepit Albertus, tam fortiter mox Hungariam defendit contra crudelem Amurathem: breve fuit Imperium Alberto, sed in longam posteritatem ejus merita supervivunt. Cælo delapsus Princeps biennio, rerum gestarum magnitudine sæcula implevit: victor redux, martis insidias advertens, Regem Regum pro inimicorum salute orantem imitatus, Domine ignosce illis, inquit, qui in hac meâ morte rei sunt: & ego eisdem ignosco propter te. Vitam Christi, qui vivunt, mortem Christi moriuntur Principes Austriaci.

5. Fridericus IV. Pacificus, primus Austriacorum Cæsarum Vicariâ Dei manu Coronatus est. Magnum Dei Donum orbi Christiano, Imperator pacificus: id est, Dei optimi, maximi, Dei pacis, & benedictionis

filius, mitissimus hic Princeps, inter arma natus, armorum hostis, martis osor, ferrei parentis, aureus filius, pacis studio omnibus amabilis; inter ferales Martis Cupressos plantavit oleam pacis. Est hæc Austriacis innata, Majorum virtute regnandi ratio, amore, non ferro dominatum in subditos exercere. Non aliis usus armis pacificus Imperator, quàm, quæ primæ sunt regnorum firmamenta *Pietate & Justitia*, ut secundam humanis rebus tribueret; primam divinis rebus curam impendit, cùm decem & amplius lustris, imperium servasset in armistitio, Imperator pacificus, è terris in Regionem pacis emigravit.

6. Maximilianus primus, parente natus pacifico, lucem non aliam cœpit intueri, nisi quam amica diuturnæ pacis serenitas Germaniæ infudit. Vel à teneris adultæ sapientiæ, Maximilianus, ut sui nominis mensuram impletet; virtutem adjecit, Religione in Deum, pietate in subditos, in hostes humanus, in omnes munificus, Coeli favores, hominum amores attraxit. Inter ardua saxorum præcipitia,

unde vel oculis metiri reatum, erat  
 mortis imago, perire debuerat; nisi  
 quò homines attrahere non potuit,  
 detraxisset de Cœlo Superos in obse-  
 quium: *Pietas Eucharistica Maximili-  
 liani*. Nimirum nunquam vicinius si-  
 bi Cœlum experiuntur Austriaci Prin-  
 cipes, quàm in summis angustiis. Est  
 hæc Austriacæ Domus felicitas, etiam  
 cum maximè periclitatur, cæteris  
 eminere: unicus tanti nominis, & po-  
 tentiæ hæres, cum parum abesset à  
 casu, parum abfuit Austria ab occasu.  
 Sed tamen & hinc Austria felicitatem  
 tuam ominari licet, nam verè Austria-  
 cæ Domus stat gloria, quando illius  
 basis, in solidâ Petrâ stabilita est, &  
 quæ Dei conjuncta sunt manu, fru-  
 stra mortalium violentia convellere la-  
 borat. Inter pacis studia, Belli curas  
 deferere non potuit, laceffitus undi-  
 que, ubique victor, sapiens, Pius, &  
 hæroâ fortitudine præditus Impera-  
 tor, primum superba Othomanicæ  
 lunæ cornua attrivit; effusa in Croa-  
 tiam Turcarum examina, adventu  
 terruit, aspectu fugavit. Hinc evoca-  
 tus in Gallias, expertus est, vel inter

lilia, sibi lauros succrevisse. Vidit victorem Geldria, Germania triumphatorem, extimuit Italia vindicem. Cum vicisset omnes inimicos suos Maximilianus, vicit etiam quam timere contempfit mortem: qui ultimo vitæ triennio, quasi captivam in triumphum ducens, mortalem ubique sarcophagum circumduxit. Tandem sive fractus laboribus, sive fessus victoriis; cumlatus meritis, natus in pace Princeps, Piè, uti vixerat, requievit in pace.

7. Maximilianum primum sequitur Carolus quintus, qui & in Pace dominari, & in Bello vincere nosset. Ea in Carolo æquitatis, ac pietatis eluxit gratia, ut vix dum juvenis jam clavo, & clavæ Reipublicæ adhibebatur. Consilio magnus, ac industriâ invictus Princeps: à Patre Belgii, à Matre Hispaniæ, Neapolis ac Siciliæ, ab Avo Imperii gubernacula suscepit: nescio an prodigam, an prodigiosam magis fortunam sortitus; non placent auribus Catholicis ista fortunæ, aut fati nomina. Egregiè suo more Augustinus, Augustis Imperatoribus Paganis Au-

gustior; Si quis inquit fortunæ, aut  
fati nominibus divinam Providentiam,  
in orbe sapientissimè & justissimè lu-  
dentem nuncupat: sententiam teneat,  
linguam corrigat.

Anno sæculi decimi quinti, decimo  
nono, expiravit Maximilianus primus,  
& universæ Germaniæ induxit tene-  
bras, donec inspirante illo, in cujus  
manu sunt omnium potestates, & om-  
nium jura regnorum, & conspirante  
Septemvirorum feliciter voto, inter  
planetas Imperii Sacri, sol illuxit Ca-  
rolus, Victorias Caroli quinti non nu-  
mero, unum dico, victoriosum stetisse  
Carolus, contra fidei, & pietatis de-  
sertores, assertorem. Confertos inter  
hostium manipulos, vix confertæ ma-  
nus, ferream undique, emissâ glante  
transmittunt grandinem; non minori  
piaculo, quàm jaculo, trajectum in  
vexillo Crucifixum, Pius indoluit  
,, hoc voto Cæsar, Domine, hujus te  
,, injuriæ judicem, me per te vindi-  
,, cem statue. Et continuò, Deus  
aurem verbis, lauream vertici adhi-  
,, buit: Nunquam supplex bellat, cu-  
,, jus in Bello complex est Numen.

Audite gratum Regi Regum Cæsarem; non Julium Romanum, sed Carolum Germanum: Veni & vidi, sed Christus vicit.

Austriacus pro Deo, & Romanâ fide zelus, patrium mutare solum sæpè Carolum coëgit: Africam Christianis offensam defendit Barbaries, quibus Ottomanni leges, nec portam Orientis concessere, cessere tamen victori Carolo: facilè contra inimicos Crucis Christi reportavit palmum Cæsaris, qui Crucem è palma nunquam dimisit. Solimano Viennâ obsidione pressâ, Hungariâ obsidibus destitutâ, missâ solum à Carolo in pugnae signum Chirotecâ, à pugna deterret Barbarum, qui fugam ut excuset, sic incusat: Non te Carole, sed fortunam tuam timeo. Sed quis amabo compaginabit omnia, quæ Caroli propagavit industria & animi magnitudo, Eucharisticæ pietati conjuncta? A septimo decimo ætatis anno, annuas ferè suscepit expeditiones: novies in Germaniam, à qua Carolus vocatus est magnus; sexies in Hispaniam, in qua Alexander audiit magnus; in Italos septies,

qui in Carolo Christianum Davidem coluere: in Gallos quater, qui in Cæsare Herculem suspexere: Belgium decies, Britanniam bis ingressus, semper dominans, aut domans: Bino Africam vel fudit, vel confudit prælio; unde merito à Turcis Julius, ab Afris Hannibal dictus: uno verbo militia perpetua fuit tota Caroli vita super terram.

Sed quadraginta paternis regnis, triginta sex Imperio expensis annis, Deo uni, & sibi ut viveret duos impendit: addicto enim Cœlis animo, abdicato terris Imperio, militem exiit, Eremitam induit; ut in solitudine, magnarum mentium statione, sine sollicitudine degens, in soliditate fidei, sancti timoris, & Eucharisticæ pietatis stare usque in finem.

8. Carolo Quinto, in Imperio succedit ejus frater natus minor Ferdinandus Primus: ferrea nomina aurei Principes, à Ferdinando primo auspiciantur. In ea enim tempora inciderat, quibus aurum nec in cœlitum Aris, ab hæreticorum perfidiâ, nec in Provinciæ ærariis à Turcarum insidiis tutum

erat, nisi in sui custodiam ferro muniretur, ita illud quod omnes amant, muniendum est, eo quod omnes timent. Expediit aliquid esse, quod aureos Principes rigidos faciat; ne dum nimis amantur, formidari desinant: amore & timore omnia regna gubernanda sunt: sicut enim bonos subditos non habet, qui solum timetur Princeps: sic non potest populos in officio continere qui solum amatur. Ideo Deus per quem Reges regnant, & Principes jura decernunt, vult amari & timeri ab omnibus: semper enim Deo, & Principibus à Deo constitutis est fidelis, qui timorem & amorem conservat perpetuum.

Ferdinandus pacis amantissimus Princeps, quam quærebat suis, ipse sibi possidere non potuit: non potuit inquam, tranquillum regni tenere solum Ferdinandus, nisi deturbatis iniquis possessoribus, & rebellibus victis: nunquam tamen, vel in æstu victoriæ, se Austriacum oblitus est. Ita punivit reos, ut laudaretur clementia victoris, & ultoris benignitas; qui ne omnes plecteret, in paucos animadvertit:

illis folis ademit capita, qui turbam  
 vocabant ad pileum. Communia enim  
 delicta, multorum metu, paucorum  
 cæde castiganda sunt: hâc nimirum  
 sapientiæ, & fortitudinis commenda-  
 tione; duabus veluti rotis, ad Impe-  
 rii Romano-Germanici Majestatem,  
 jubente Carolo V. nolente Saxone,  
 consentiente reliquo Collegio, plau-  
 dente populo, Aquisgrani inauguratus  
 est Ferdinandus. Universâ propè Ger-  
 maniâ extinctus pietatis ignis, undique  
 flantibus furiosis hæreticorum ventis,  
 in unum Ferdinandum velut in cen-  
 trum se reduxissè videbatur; cum mul-  
 ta gloriosè, hoc etiam prodigosè præ-  
 stitit, Ferdinandus primus, quod ita  
 vixerit Imperator, ut credatur sine  
 lætali maculâ decessisse.

9. Maximilianus II. è cunis ad cu-  
 ras progressum facturum, Carolo V.  
 Imperatoris aulam, ingressus est puer,  
 pluribus par coronis egressus: eis-  
 dem cum Philippo II. Hispaniarum  
 Monarchâ Carolo Imperatoris Filio,  
 formatus institutis, ad pacem, & arma;  
 ad scepra, & coronas maturuit. Cæ-  
 sarum enim disciplina, est eruditio

imperandi. Carolum cùm spectares  
 discipulus, Caroli prudentiam & for-  
 titudinem exprimebat; fortunâ & fa-  
 mâ, sicut Carolo semper addictæ, di-  
 dicerunt & Maximiliano servire. Ita  
 nempè, communis quædam Austria-  
 cis est virtus, ut alium ab alio, præ-  
 terquam nomine, non distinxeris:  
 Princeps pacis amantissimus, illam ta-  
 men Imperio dare non potuit, nisi  
 debellatis hostibus; adeo verum est,  
 si vis pacem para bellum: est enim ple-  
 rumque boni Belli filia pax bona: nec  
 potest esse Bellum justum, quod non  
 ordinetur ad pacem bonam, ut me-  
 dium ad finem. Oderunt Austriaci Prin-  
 cipes bella gerere, & hostes ad pacem  
 flexisse contenti, arma abjiciunt; ita  
 quidquid in naturâ est generosum, est  
 simul mite & benignum: nec profilit  
 in furores nisi irritatum. Irritare ubi  
 desieris, omnem iram flexisti. Reliqua  
 Imperii sui parte felix ut esset, minus  
 imperavit, imperavit tamen, quod li-  
 buit, etiam non jubendo, hoc est im-  
 perandi arcanum: non uti summo ju-  
 re, nec pro absolutæ potestatis men-  
 surâ, sua in subditos imperia extendere.

Hinc quod ore proferebat, sæpius;  
facto ostendit semper; bonum Princi-  
pem à Patre nil differre.

Omnes optimi Imperatoris partes  
implevit Maximilianus secundus, eru-  
ditus præteritis, moderatus præsentibus  
prospexit futura, & tandem felix re-  
gimine, fessus victoris, gravis tro-  
phæis, æquitate, justitiâ, & pietate  
inclitus, Ratisbonæ, Christianissimè  
occubuit.

10. Rudolphus secundus, idem  
cum primo sortitus nomen conspiravit  
in facta: quam ille gentem prudentiâ  
fundavit ad coronas, hic eâdem pru-  
dentiâ servavit ad gloriam, à puero id  
connisus est, ut nominis majestatem  
factorum gloriâ adæquaret. Duo ad  
prodigium conjunxit, Majestatem &  
Amorem. Severitatem aspectus, facili-  
tate alloqui temperavit; aures habuit  
quæ Principem decent, apertas omni-  
bus, aditus nunquam oclusos: ingressæ  
per aurem calamitates, illicò animum  
occupabant: nemo accessit miser, quin  
rediret felicior, quasi ad felicitatis fo-  
rum populi omnes confluebant ad Ru-  
dolphum: ejus prudentia non modò

pacifica fuit, sed fortis, & bellicosa; in  
 vasta Hungariæ planitie, campum  
 martium sortita, omnes arbores Lau-  
 ros, & palmas fecit.

Albam cæſorum ſanguine purpu-  
 ravit, Strigonium extorſit, Jaurinum  
 ad deditiōem coëgit, Sinanem Baſſam  
 ſæpe fudit, confudit, fugavit; Maho-  
 metem afflixit, Ibraimum attrivit; Va-  
 lachos & Tartaros ad juramentum fi-  
 delitatis adduxit: tandem tot victoriis  
 glorioſus, tot onultus Laureis, Aſiæ  
 terror, Europæ tutor emoritur.

II. Mathias. Imaginem optimi Cæ-  
 ſaris ut mundo exhibeas, Virtus, Ma-  
 thiam Auſtriacum Imperatorem de-  
 pinge, ſed ante omnia piſſimum Im-  
 peratorem Mathiam voca, omnis in  
 homine ab animâ motus; omnis in Prin-  
 cipe à pietate actio, exanguie Principis  
 cadaver eſt Cæſar non Pius, Religio  
 Orthodoxa Auſtriacis eſt motus &  
 quietis principium.

Cùm amabilis eſſet omnibus, nullum  
 habuit hoſtem, niſi quem pietas. Wor-  
 matio Judæos exturbavit: Hungariâ  
 Turcas; utrobique Belli Sacri Dux, Dei  
 cauſam egit; nuſquam arma laudabilius

fulminant, quam pro Deo in impios  
 Ubique Orthodoxam Religionem  
 conservavit, defendit, propagavit:  
 Zelator, sapiens, fortis, felix, vigilans,  
 justus, liberalis, mansuetus, atque ama-  
 bilissimus Imperator, ab omnibus est  
 dictus. Maluit enim Mathias cives suos  
 amicos esse quam servos: Metus & ter-  
 rores infirma Imperii vincula dicebat;  
 at amari, coli, diligi, & fidissima est, &  
 tutissima Regum custodia; non modò  
 Austriaca amabilitate totum rapuit  
 imperium, sed amoris sui imperium ul-  
 tra regnorum suorum limites in Gallias  
 usque extendit: amoris mensura dolor  
 est, Ludovicus XIII. cum regni sui pro-  
 ceribus, defuncto mœstus parentavit.

12. Ferdinandus secundus, optimi  
 Patris, optimus Filius, Austriacam pie-  
 tatem cumulavit Imperator piissimus:  
 rarum prodigium est summi honoris  
 cum summâ pietate connubium, præ-  
 esse terris, & terrenis animum non in-  
 quinare; tenere solium, & subjectione  
 sua Deum exaltare; radiare purpurâ,  
 & cœleste lumen purius admittere;  
 proferre sceptrâ, & Deo regna ac im-  
 peria fundare: dictare humana jura, &  
 divina

divina sanctius observare, hoc verò est,  
 igni aquam sociali foedere maritare;  
 verbo, prodigium est naturæ, & gratiæ,  
 hoc in terris augustam Cœli majesta-  
 tem exhibet, hoc in humanis divinita-  
 tem repræsentat. Lâuretanam Virgi-  
 nem peregrinus invisens, domesticam  
 Dominam, ac Reginam Orthodoxæ fi-  
 dei salutavit: ibique excindendæ hæ-  
 reseos Sacramentum dixit, ubi Imma-  
 culata Sanctitas serpentem calcavit. Bo-  
 hemiæ, Hungariæ, & Germaniæ Rex,  
 ac Imperator Coronatus est; sed ne  
 quidquam in eligendo Imperatore va-  
 leret fortuna, moderata Septemviro-  
 rum calculos Cœli & terræ Imperatrix  
 evicit, quippè quæ Moguntino An-  
 tistiti ut constanter eligeret Ferdinan-  
 dum imperavit. In solio Imperator  
 collocatus, eisdem armis, regna & Im-  
 perium defendit, quibus invasit; augu-  
 stâ videlicet in Deiparam pietate, eun-  
 dem dixisses, & Orbis Imperatorem, &  
 Dei Apostolum. Pastorem se ratus, oves  
 lupis eripuit; & ut securæ essent, in ovi-  
 le coëgit. Centies centena animarum  
 millia Orthodoxæ fidei restituit. Id si  
 magnum est in Apostolo; in Imperato-  
 re prodigium.

C c

Id unum communi deficientium Provinciarum tumultu sentiebat, quod Deum exulere cogere, quem ipse perpetuum civem cupiebat; nec pericula sua metu, nec calamitates luctu dignatus, infra se omnia, semper in faciem Regis Gloriæ aspiciens, cælestibus spiritibus simillimus despexit. Piissimus Princeps ut Deo conciliaret perduellium animos, Majestatis ac potentia oblitus, clementiam obtulit. Sed vicit, pertinacia sceleris, constantiam lenitatis, collatis undique armis cæduntur rebelles, coguntur Bohemiæ urbes; ubique sparso per Maximilianum Bavarum, Christianum Machabæum, Ferdinandi terrore, Pragæ & Friderico jam metuenti, tota tempestas incumbit. In monte Albo suprema Belli alea jacitur, & hostium sexaginta milium exercitus cæditur: adeo feliciter militant qui Deum habent commilitonem: pietatem omnium victricem hic pugnasse non dubites, pugnante pro Ferdinando Imperatore Empireo, cum Ferdinandus pro Cælo præliaretur: Dominicus Crucem prætulit, quam cum spectaret miles, animis id audiebat: *In hoc signo vinces.*

Sufficiens victoriæ præmium, ipsam ratus victoriam Imperator pientissimus, triumphum cessit magnæ Cœli terrarumque Reginae Mariæ.

Severum Imperatoris nomen, Austriacâ pietate diffimulans, omnium, pauperum, pupillorum, Religiosorum, & Ecclesiasticorum Patrem nutritium se præstitit; de annonâ tot spiritualium filiorum sollicitus, omnes regnorum opes suæ munificentia materiam fecit. Canalem dixeris ejus gremium: cum affluerent plurima, effluerunt omnia. Aiebat: *Officium Principis, officium esse optimi Patris, tam augustum & suave nomen, sola largitate sustineri.*

Alieni sanguinis quàm parcissimus; sui omninò prodigus, si hic vel tuendo Dei honori, vel servandæ justitiæ servirat. Duobus hisce cardinibus, universam Imperii ac regnorum molem versare videbatur; *Zelo Pietatis & Justitiæ.* Ferdinandi invictissimum animum, cujus firmamentum solus Deus erat, nec adversa dejecerunt, nec prospera elevaverunt. Gustavum in blandientis fortunæ affluxu dicere solitum ferunt; unam sibi terrori esse Ferdinandi vir-

tutem: quæ demum à Turcarum Principe id extorsit elogium. *Ferdinandus Sanctus est: Deus cum illo est: & pro illo pugnat.*

Audisti Austriacæ pietatis Historiam, subscribe, Ferdinandus Piè vixit, Piè obiit.

13. Ferdinandus tertius Romanorum Imperator, Ferdinandi secundi, maximi Patris, Annæ Mariæ piissimæ Matris, æquè maximus ac piissimus Filius, justus, fortis, sapiens, omnem ætatem, aut sapientiæ oraculis, aut virtutis prodigiis implevit. Qui pro omnibus sapere debet Imperator, nunquam satis sapit, nisi sapiat, supra omnes. Sed non est vera sapientia, nisi sit pietati ad omnia utili, cōjuncta. Audite victoriarum, & Triumphorum Ferdinandi præludium! extremum viaticum, militis ad Tugurium deferebat Mysta; primum se viatorem, & comitem, Rex jungit Ferdinandus. Rudolphi nempè victoriosi, jam tum insistens vestigis, eandem sibi, ad victorias, & laureas, quam ille ad Imperium, & coronas viam aperuit. I, perge sapiens, Piè, & felix Ferdinande, Regia hæc Austriacorum ad coronas, & lauros est via: hunc ante vi-

Historiam licet agere triumphum. Devictâ Ratisbonâ, Nordlingæ campus plurimum capax Hæctorum, duobus aperitur Ferdinandis, Patri, & Filio; sex millia hostium capta, duodecim strata, impedimenta omnia direpta; unius campi pugna plurimarum Provinciarum victoria fuit triumphatrice in Austriacis Ferdinandis, Eucharistiâ.

Nec minus Mariam Filiali affectu, quàm Deum summis honoribus, persecutus est Ferdinandus, hujus Dei Genitricis semper Virginis Immaculatæ Conceptioni, Universitates, Provincias, se totum scripsit, juravit, devovit in perpetuum.

Adesse tandem stadii metam, ex morbo pedum colligens, toties in suis mortuus, nil mori moratus est. Unum hoc suorum, sui que in morte contestans: *Voluntas Dei, vita mea.*

14. Ferdinandus quartus, Ferdinandus tertii Filius, secundi nepos, primi pronepos: ex Serenissimo Austriacæ familiæ sanguine Cæsar in terris XIV. in Cælis XIII. omnium viva imago, & perfecta expressio fuit. Illi ingredienti mundum janua Cæli aperta est; ut, quo victurus tenderet disceremus. Te-

neris Mariam labellis nominare vix didicerat, & ex illâ horâ accepit eam in sua. Consummatus in brevi, explevit tempora multa; placita enim erat Deo anima illius, Regias omnes, Austriacæ Domus virtutes complexus, adjecit quod summum est, Innocentiam Majestati.

Tres coronas reliquit in terris, ut unâ potiretur in sinu Regis Regum Christi JESU, quem magna devotione dilexit.

15. Leopoldus Augustus Germaniæ Regum, ac Imperatorum à Carolo magno, Romano - Germanico Cæsare quinquagesimus: Europæ Catholicæ Jubilæum attulit; ut sperare possit sub illo; quem Deus optimus, maximus Orbi Christiano dedit Imperatorem, suæ libertatis Indulgentiam.

*Sic advocemus, quisquis amabili,  
Momenta Regum numine prosperas,*

*Sortesq; regnorum, vicesq;*

*Imperii moderaris: audi*

*Votum tuorum! prima Alemania,*

*Spes vivat Orbi! vivat, & Aureo,*

*Fluxu laboratos reponat,*

*Imperio Leopoldus annos!*

Eò omnia unde, omnis gloria Augustissimæ Domus Austriacæ, ab Eu-

charisticâ pietate Rudolphi primi victoriosi procedens, sicut lux crescat usque ad perfectum diem: nullus quippe est, ex Austriacis Principibus, qui hanc avitam pietatem, ad omnia utilem, illustri aliquo facinore non nobilitavit. Dum hæc scribo: XX. Januarii, memorandum pietatis Austriacæ erga Divinam Eucharistiam argumentum, præbuit Serenissimus Hispaniarum Monarcha Carolus II. è Palatio Suburbano Madritum rediens, incidit in Sacerdotem, qui ad vicum vicinum, Sacram Hierotecam deferbat, confestim è rhedâ exiit, & supplici corporis demissione, præsens Numen adoravit; jussimque rhedam conscendere Sacerdotem, pedes sequutus est, ad usque decumbentis domum: Prætensa ad currus Ostiolum manu; adstitit ipsemet viaticum recipienti, blandè verbis solatus est ægrum, & largiter concessâ, quam pænes se gestabat pecuniâ, fore se orbæ familiæ protectorem liberaliter adpromisit. Eâdem reverentiâ, redeuntem Sacerdotem profecutus est ad usque Templum Sancti Marci, unde Domum inter lætitiâ gestientis populi acclamatio.

nes, in Regiam se recepit Rex pius.

Fide Catholicâ, unione arctissimâ cum Sanctâ Sede Apostolicâ, & pietate Eucharisticâ, benè fundatâ, & gloriosè exaltatâ, stabit Augusta Domus Austriaca; quam Deus optimus maximus magnis suis Donis cumulet, ac coronet in perpetuas Æternitates!

## M E N D A

## E M E N D A N D A .

Nova Bella	Judic 3.	Judic. 5.
In Epist. Verisimile.		Verissimè,
Majestatis.		Majestati,
Apparatus P. 3.	Emissam.	Egressum,
P. 5. Tam Principes & quam		Tam Principes, quam
Parte 1. P. 7. Et Incarnatâ.		Et Creatâ,
P. 39. Gabriel.		Gabrieli,
P. 57. Maximus,		Maximi,
P. 58. Quod vobis,		Pro vobis,
P. 74. Prærogativæ,		Prærogativas,
P. 16. Pietatis,		Addendum ardore,
P. 230. Propugnatae,		Propagatae,
P. 248. In quem,		In quod,
P. 278. Corona,		Coronam,
P. 300. Ex Augustino,		Nomine Augustini,
P. 310. Tertiæ,		Secundæ,
P. 346. Christiani Jesu,		Christi Jesu,
P. 341. JESUS-CHRISTI,		JESU CHRISTI,
P. 346. Confirmas,		Confirma,
P. 360. Necessitatâ,		Quæ libertas nec ad
bonum, nec ad malum est necessitata,		